



TOSHKENT DAVLAT YURIDIK UNIVERSITETI REKTORINING B U Y R U G ' I

10.05.2023

72-um-son

Toshkent davlat yuridik universiteti talabalarini G'afur G'ulom nomidagi maxsus stipendiya va ko'krak nishoni bilan taqdirlash to'g'risida

Toshkent davlat yuridik universiteti rektorining 2020-yil 4-sentabrdagi "O'zbek adabiyotining zabardast vakillaridan biri G'afur G'ulom ijodini keng targ'ib qilish hamda bu boradagi ishlarni samarali tashkil etish bo'yicha qo'shimcha chora-tadbirlarni belgilash to'g'risida"gi 08-156-son buyrug'ida belgilangan vazifalar ijrosini ta'minlash, o'zbek adabiyotining zabardast vakillaridan biri G'afur G'ulomning boy ijodiy merosini yoshlar, ayniqsa huquqshunoslar orasida keng targ'ib qilish, universitet xodim va talabalarida adabiyotga, xususan adib asarlariga bo'lgan qiziqishni yanada oshirish, ularning bu boradagi faolliklarini qo'llab-quvvatlash hamda Toshkent davlat yuridik universiteti talabalariga G'afur G'ulom nomidagi maxsus stipendiya va ko'krak nishoni ajratish bo'yicha Komissiya yig'ilishining 2023-yil 8-maydagi 1-son yig'ilish bayoniga muvofiq,

BUYURAMAN:

1. Toshkent davlat yuridik universitetining 2023-yil 8-maydagi Komissiya yig'ilishining 1-son bayoni ma'lumot va ijro uchun qabul qilinsin.

2. G'afur G'ulom nomidagi maxsus stipendiya va ko'krak nishoni bilan taqdirlash uchun o'tkazilgan tanlovda ishtirok etish uchun 80 dan ortiq talabalardan arizalar kelib tushganligi, nomzodlar tomonidan amalga oshirilgan ishlar dastavval fakultetlarda tashkil etilgan komissiyada, ulardan tavsiya etilganlari universitet komissiyasida belgilangan tartib asosida ko'rib chiqilganligi hamda nomzodlarning 4 nafari maxsus stipendiya uchun yana 4 nafari taqdirlash uchun tavsiya etilganligi inobatga olinsin.

3. 2022/2023-o'quv yili uchun quyidagi talabalar Toshkent davlat yuridik universitetining G'afur G'ulom nomidagi maxsus stipendiya (bundan buyon matnda – Maxsus stipendiya) bilan taqdirlansin:

Ommaviy huquq fakulteti 2-kurs talabasi **Baxromova Laylo Rayim qizi;**

Jinoiy odil sudlov fakulteti 2-kurs talabasi **Kayumova Farzona Xayrulla**

qizi;

Xususiy huquq fakulteti 2-kurs talabasi **Sulhiddinova Dilorom Husen qizi;**

Xalqaro huquq va qiyosiy huquqshunoslik fakulteti 3-kurs talabasi **To'xtayeva Aminaxon Muhiddin qizi.**

4. Maxsus stipendiya bilan taqdirlangan talabalarga stipendiya, bir o'quv yili uchun Vazirlar Mahkamasining 2020-yil 31-yanvardagi 59-son qarori

2-ilovasining 2-bandiga muvofiq 1-sentabrdan boshlab belgilangan miqdorga qat'iy rioya qilingan holda berib borilsin.

5. 2022/2023-o'quv yili uchun quyidagi talabalar Toshkent davlat yuridik universitetining G'afur G'ulom nomidagi ko'krak nishoni (bundan buyon matnda – Ko'krak nishoni) bilan taqdirlansin:

Xususiy huquq fakulteti 2-kurs talabasi **Juraboyeva Mahbuba Asqarbek qizi;**

Jinoiy odil sudlov fakulteti 2-kurs talabasi **Mashrabjonova Asila Anvarjon qizi;**

Ommaviy huquq fakulteti 4-kurs talabasi **Ochilova Zilola Joxan qizi;**

Xalqaro huquq va qiyosiy huquqshunoslik fakulteti 2-kurs talabasi **Baxtiyorova Farangiz Ulug'bek qizi.**

6. Ko'krak nishoni bilan taqdirlangan talabalar bazaviy hisoblash miqdorining uch baravari miqdorida bir marta to'lanadigan pul mukofoti bilan rag'batlantirilsin.

7. Buxgalteriya (M.Parpiyev) maxsus stipendiya va ko'krak nishoni bilan taqdirlangan talabalarga belgilangan miqdordagi pul mablag'larini universitetning byudjetdan tashqari mablag'lari hisobidan to'lab berilishini ta'minlasin.

8. Ma'naviyat va ma'rifat markazi (Sh.Po'lotov) hamda fakultet dekanlari: maxsus stipendiya bilan taqdirlangan talabalarga maxsus stipendiya guvohnomasini tantanali vaziyatlarda taqdim etish choralarini ko'rsin;

maxsus stipendiya bilan taqdirlash tartibi va uning ahamiyatini talabalar orasida keng targ'ib qilish orqali unda ishtirok etadiganlar sonini oshirish choralarini ko'rsin;

maxsus stipendiya bilan taqdirlangan talabalar to'g'risidagi ma'lumotlarni universitetning ijtimoiy tarmoqlaridagi sahifalari orqali keng targ'ib qilish choralarini ko'rsin.

9. Ushbu buyruq ijrosini nazorat qilishni prorektorlar A.Xashimhonov hamda A.Iminov zimmasiga yuklansin.

**Yoshlar masalalari va
ma'naviy-ma'rifiy ishlar
bo'yicha birinchi prorektor**



A.XASHIMHONOV

Toshkent shahar

Kiritildi:

Direktor

SH.PO‘LOTOV



Kelishildi:

Moliya-iqtisod ishlar bo‘yicha
prorektor

A.IMINOV



Bosh buxgalter

M.PARPIYEV



Katta yuriskonsult

A.TURSUNOV



Bo‘lim boshlig‘i

S.MAMANAZAROV

